

فی ۲۳ رمضان سنہ ۳۲۶ و فی ۶ تشرین اول سنہ ۳۲۴

جمعیت علمیہ اسلامیہ نك ناشر افکاریدر

صاحب امتیاز

سر محرر

مدیر مسئول

شہری احمد افندی

مصطفیٰ صبری

محمد فطین افندی

مندرجات

بشکطاش حادثہ سی و احکام شریعہ	جمعیت علمیہ	آرزوی دل	محمد عارف
علوم اسلامیہ عالمہ برنظر	کوچوک جمدی	پند عطار ترجمہ سی	نجمی راجی
السلام تحیۃ الاسلام	جاجی نجیب	اجتماعیات	
دین اسلام مدہ ہدف مناقشہ اولان مسائل	مصطفیٰ صبری	تزیید نفوس	حسن تحسین
التضاد بین الاسلام والاستبداد	حافظ محمد	فاس مسلمانری	
بعث بعد الموت	حسین حازم	ہند مسلمانری	
ادبیات		زبدۂ سیاسیات	
برمسامرۂ سماویہ	ولدان	تشکر	
جماعت	ع. طائف		

نسخہ سی ۵۰ پارہ در

ابونہ اجرتی


برسنہ لکی ۹۵ التی آلیفی ۵۰ غروشددر

درج ایدلیان اوراق اعادہ اولنماز

قارئلرمز :

اکثر مقالاتہ آیات کریمہ و احادیث نبویہ درج ایدلش بولندیفی نظر اعتبارہ آلنہرق رعایتسزاسکدہ بولنلنامسی

رجا اولنور .



دینی ، ادبی ، سیاسی ، فنی بازار ایرتسی کونلری نشر اولنور هفته لک غزته در

بشکطاش مسئله سی

و

امطام شرعی

بشکطاش حادثه مؤسسه سی محضا اثر جهالت اوله رق وقوع بولمدر . دین اسلامک بوکی یولسز احوالی آمر اولسی شویله طورسون بوکا قطعیا مساع ورضا کوسترمیه جکی جهتله احوال ملکتنک اعتدال تام دائره - سنده جریان ایده مدیکی بر زمانده سرزده ظهور اولان بوکی بعض وقوعات جاهلانه ، شخصیت درجه سنده قالمق لازم کله رک هله قطعیا ایجابات دینییه عطف اولنماق اقتضا ایدر .

ملکتمزک از وچوق بحرائلی زمانی تشکیل ایدن شوکونلرده وقوع بولان حادثات مؤسسه یالکیز اسلاملر ایله خرسستیان وطنداشلر من آرهنسده واقع اولوبوب افراد مسلمة صرفه آرهنسده دخی مشهود چشم تأسف اولمدر . ایشته هنوز دونکی کون وقوع بولان کور علی مسئله سی ودرس وکیلی خالص افندییه فاتح جامع شریفنده تشهر سلاح ایدلسی واسکدارد ، جریان ایدن عین مسئله لر طرزنده کی وقوعات اونودلماشدر . حادثات مذکوره کی بشکطاش مسئله سنک دخی مسؤولیتی فاعلرینه منحصر اولمق واحکام عادلانه - لایا - مینک بویه بر حرکت جاهلانه یی تجوزدن منز اولدینی آکلاش یلمق لزومی اثبات ایچون بوبابده کی ایجابات شرعییه بروجه آتی یازمق احتیاجی حس ایلدک :

۱ بر اسلام قادینی دینی ترک وتبدیل ایتسه شرعاً قتلی لازم کلیوب انجق دین اصلیسنه رجوع ایدنجه قدر رجوع ایتدیکی تقدیرده اولنجه قدر حبس اولنور .
۲ برخرستیان ارکک بر اسلام قادینی تحت ازدواجنه آلامیه جنی جهتله آرهلرنده ولوبویه بر شکل وصورته واقع اولان مناسبت ، غیر مشروعدر . آنجق بومناسبت غیر مشروعه علی الاصول درت کشینک رؤیت وشهادتلیله ویا کندیلرینک آیری آیری مجلسلرده دردر دفعه اقرارلیله درجه ثبوت واصل اولمدقجه اوزرلرنده زانی وزانیه حکمی اجرا ایدلز .

۳ دین اسلامده زانی ایله زانیه محصن اولمق شرطیله رجم وقتل اولنورلر . و (احصان) ده مسلم اولمق قیدی دخی معتبر اولدینی جهتله زانی ایله زانیه دن مسلم اولان طرف قتله مستحق اوله رق غیر مسلم طرفی قتل اولنماز وبناء علیه بر مسلمة محصنه برخرستیان ارککله زنا ایتسه قادین اسلام اولدینیچون قتل اولنورده ارکک خرسستیان اولدینی ایچون جزای قتلدن قورتلور . کذلک بر مسلم محصن برخرستیان قادینیه زنا ایتسه یالکیز اسلام اولان ارکک قتل اولنور .

۴ فعل زنا وقوعندن صوکره قتلی لازم کلنلر اوزرنده اجرا اولنه جق مجازات حاکم شرعک حکمیله اولمق لازم کله رک احادناسک ترتیب مجازاته صلاحیتلری یوقدر . فعل زنا وقوعندن صوکره صلاحیت خارجنده زانی قبل الحکم قتل ایدن قتله وبعد الحکم قتل ایدن تعزیره مستحق اولور .

۵ یالکیز اسلامدن ، خرسستیاندن بر آدم زوجهنی ویا محارمندن بر قادینی مناسبت غیر مشروعه اوزرنده یاقالارده زانی ایله زانیه یی قتل ایدرسه برشی لازم کلز .

۵ کرک مسلم وکرک ذمی یی عمدا وبغیر حق قتل ایدن قصاص اولنور .

۶ بر مسلم ویا بر ذمی ایچون بر مسلم قصاص اولنه بیلدیکی کی ینه بر مسلم ویا بر ذمی ایچون فعلده اشتراک ایدن بتون بر جماعت مسلمة معینه - شرائطی موجود اولدینی تقدیرده - قصاص اولنه بیلر .

نفسیات مسروده دن اکلاشیله جنی وجهله بوکی احکام عادلانه شرعیه مسلم وذمی حقنده مساوی اولقلده قالمیه رق بعض نقطه لرده ذمی حقنده دها زیاده لطفکار ومساعددر صرف اثر جهالت وشخصی اولان شو حادثه بر قاج نقمة نظاردن عموم اسلامی متأثر ایتشدر . فقط بعض غزته لر بر طرفدن حادثه یی منلی نا مشهود بر اثر

وحشت کوسترمک دیگر طرفند ده بش اون ادبسنک
جرا تریله حاصل اولان شو جنایتی بتون اسلامره
یو کلمک ایستملری ، طوغریسی حقیقی فوق العاده
تجرا و زدر ، حق سز ل قدر . وقعه ، دنیانک هر طرفنده
اکسیک اولیان بر وقعه شخصیه دن عبارتدر . قاتلری ،
جانیرلی ، مسیبلری جزالری کورسونلر . جمعه ایرتسی
کونکی صباح فرته سنک دیدیکی کبی حادثه نی اوقدرده
اعظام ایتیملم .

علوم اسلامیة

عالم بر نظر

وَمَا خَلَقْنَا السَّمَاءَ وَالْأَرْضَ وَمَا بَيْنَهُمَا لَاعِبِينَ

دین اسلامده تحصیل معارف هر کس ایچون
واجبات امور دندر . اول واجب ایسه معرفه اللهدر .
اللهی ، او واجب الوجودی ، او حی علام قدیری ، او
خالق مرید بصیری بیلمک ، بو عالم کون و فسادده مشاهده
عیانیه ایله ممکن ویا معتاد اوله میوب یالکیز نظر واستدلال
صورتیه وابسته بولندیغندن نظر فی معرفه الله ده مقدمه
واجب مطلق اوله رق واجبات اسلامدن معدود
اولشددر .

درجات علم و کلامه متفاوت اولان افراد بشردن
هر بریسی نظر فی معرفه الله خصوصنده (الطریق الی الله
بعدد انفس الحلائق) فحواسنجه کندینه کوره بر
ادراک ، بر استدلال مخصوص ایله مکلفدر . بناء علیه
نظر فی معرفه الله بیکلرجه طرق معرفته انقسام ایدوب
معارف بشریه نک هر نوعه جهت تعلق بولندیغندن
کائناده علم اطلاق اولنه بیان هر شیک معارف اسلامیة
عدادینه کیرمسی اقتضا ایتشددر .

قدرة الله عالمی اوله بر نظام مکمل اوزره ترتیب
وتکوین ایلمشدرکه حال ابتدائیده بولنان بر عاقل ،

بیان الحق

کالات بشریه ده قطع مراحل ایدن بر حکیم ذوفنونده
آندن وجود باری به استدلال ایده بیلیر . خلاصه سی
ایسه کائنات و خواصنی ممکن مرتبه بیلوب هر ذره نک
بر مؤثر دن متأثر اولدیغنی اکلا یه رق — بر مقاله دن
محورینک وجود و درجه اقتدارینی اکلامق قیلندن —
صور مختلفه ایله اثر دن مؤثره استدلال ایلمک و او مؤثرک
آناری آره سنه حلول ایده میه جکنی و هر حاله اثارندن
استغنائی تام اوزره بولندیغنی تصدیق و اذعان ایده بیلمکدر .
بولندن طولاییدرکه فانوس هدایت اسلامیان اولان
قرآن عظیم الشان بر چوق آیاتنده (کائنات و انده کی نظام
بدیعه باقرق سموات و ارضک و بینلرنده کی موجودات
ظاهره و باطنه نک عبث و او یونجاق قیلندن اولمیوب
جمله سنک بر غایت ، بر نتیجه حکمت و بر خالق حکیم متعاله
مستند بولندیغنی و ارباب ادراک او حکیم متعالک امر
ونهینه ، مجازات و مکافاتنه ایمان و اعتقاد ایدرک اکا
کوره عمل ایتملری اقتضا ایده جکنی) هر عاقله تعلیم
و بیان بیور یور . و حکم طبیعی ایله شہوات نفسانیه سنه
زبون ، سوقیات بهیمیه سنه مغلوب اوله رق محکوم غفلت
و شقاوت اولانلر ده :

أَوَلَمْ يَنْظُرُوا فِي مَلَكُوتِ السَّمَوَاتِ وَالْأَرْضِ

دیه عتاب ایدیور ، سموات و ارضک تدبیر و تصرفنده کی
نظام عجیبه نظر ایدوب دوشونملرینی ارانه ایلیر .
ای ذوی العقول دوشونه لم !

هر بری بر وظیفه ایچون حاضر لاش ، یرینه
قونمش ، محسوس غیر محسوس بر انقلاب دائمی ایله
تدریجاً تکمل یافته انتظام اولمقده بولمش بر چوق
موجودیتلرک یکونندن عبارت اولان شو عالم شهودی
بر مطالعه ایده لم !

قانون تکامل دنیلان و فی الحقیقه قانون تربیه دن
عبارت بولنان نظام عالمی ماضی به طوغری تعقیب ایلیملم !
طبیعی حواس خمسمن بولعقیبه کفایت ایده میه جک ،
آلتیجی بر قوته محتاج اوله جغز اوله بر قوت ایسه بزده

بیان الحق

موجوددر . بزده (عدم و وجود ، سلب و ایجاب کی
متقابلات بر آنده بر لشمه من . عالم یا حادثدر یا دکلدر کی
حکملرک اوچنچی بر شقی اوله من . درت بشدن آذر .
هر شئی پارچه سندن بیو کدر .) قضیه لرینی بداهه قبول
ایتدیروب نیجه نیجه سلسله اعداد ایچنده و نامتناهی
اوزرنده اجرای تدقیقات ایله نتیجه استحصال ایدن
قوه عاقله من وار . عقلمن واسطه مطالعه من و حاکم
محاکمه من اولسون !

قانون تکاملک بویکونکی مرتبه سنه م دونکی
مرتبه سنه ۷ دها اولکنه ۷ دیه لم . ماضی به طوغری
تکاملک عکسنه بر نسبت متناقصه ایله مدنظر ایدلم .

م — ۶ — ۷ — ۸ — الی — ۱ —

نتیجه ریاضیه سی همان حاصل اولور .

واحد مرتبه سی عالمک و نظام عالمک حال بساطتی ،
صفر مرتبه سی عدم محضی ارانه ایدر . [۱]

عالم و خواص عالم بوراده بیزر جمله سی عدمه منجر
اولور بونک ایلریننده مرتبه ازلت رونمون اولور که
لسان شریعتک (عما) یاد ایتدیکی و (کان الله ولم یکن معه
شیء والآن کما کان) دیو واجب الوجودک کائناتدن
استغنائی مطلقنی بیان بیوردینی ظاهر اولور .

بونیجه ریاضیه سی سطحی کوره رک دقائق عالمه تطبیق
ایتمک ایسته مین حکمای یونان ایله پیورلری نظام عالمک
یعنی تکاملک ازلتیه ذاهب اولمشلر فقط بشقه بر صورتله
وجوب ، امکان ، امتناع مفهوملرینی موجودات عالمه
تطبیق ایله اثبات واجبی قطعی بولمشلردر .

متکلمین اسلامیة ، اسکی ، یکی دیگر ارباب حکمت
تکاملک ازلتیه قائل اوله مدقلرندن عالمک بر مبدأ زمانی به
رجوعنده اتفاق ایتمشلردر . شوقدر وارکه مبدأ مذکور

[۱] واحد حقیقینک کسوری اولیه جغندن ماوراسی صفردر .
فقط واحد اعتباری بر چوق کسوره تقسیم ایدله بیله جکندن
صفر ایله اره سننده خیلی مرتبه واردر . ریاضیده کی اصغر
نامتناهی صرف ذهنی اولدیغندن خارجه مطابقتی ادعا اولناملیدر .

متکلمینه کوره صفر مرتبه سی طبیعونه کوره مرتبه اجزا
اولان واحد مرتبه سیدر .

بومرتبه ده ماده و قوتلر یعنی موجودات و خواصی
صوک درجه منحل اولورلر تکامل ایله حاصل ایتدکاری
نظامک هپسندن تجرد ایدرلر بساطتک صوک مرتبه سی
بولورلر . قوتلر ، عرضلر یا بستون نحو اولوب نقاط
هندسیه کی طولاً و عرضاً و عمقاً هیچ برکتی حائر اولیان
ماده لره راجع اولورلر — متکلمین اهل سنت مذهبی —
ویا ماده لر بستون قوتلره ، عرضلره انحلال و انقلاب
ایده رک نحو اولور یالکیز عرضلر قایلر — متکلمیندن
ضرار و نچار ایله بعض حکمای حاضره مذهبی — و یا هم
ماده و هم قوت بر مرتبه بساطتده بولنور — بعض حکما
مذهبی — بومرتبه به علم کلام اجزای متانله دوری
اطلاق ایدر . و بوراده طبیعتک مؤثر اوله میه جنی والآن
تأثیر و تأثر ایچنده خالدن حاله ، قالبدن قالبه کچرک عجز
و احتیاجنی کوستروب طوران ماده و قوتلره ازلت
و یرله میه جکنی کوزلجه ارانه و اثبات ایده رک صفر
مرتبه سنک لزومه و واجب الوجودک وجودینه قطعاً
حکم ایدر .

عقل وفک بالاتفاق قائل اولدقلری اجزا دورینی
عالمک فاعل مؤثر قدیمی طابق و علم ضروری ایله ثابت
اولان صانع عالمی ایچنده تحری ایده رک زمام کائناتی
اجزای لاتجزانک ید اداره سنه تودیع ایتک بلاهتی
ایلک اوکجه قبول ایدن روی زمینده ایلک اوکجه حکما
عنوانیله میدان چیمش حال ابتدائیده اسکی بر فلسفه
اربابیدر .

بوفلسفه یه کوره ذرات مادیه کائناتک فاعل مطلق
اعتقاد ایدلمش بوایه ذرات مذکوریه بر فسیله نباتیه
بیله فاعل مستقل عد ایتکی بر درلو قبول ایده میان
ارباب عقول نزدنده عصرلردن بری عادتاً جنت تاقی
ایدلمشدر .

وکویا بعض کوه بینان نظرنده دقائق فیه بوفلسفه نک

اصابتی کشف ایتش وبوصورتله طبیعتک حاکمیتی قبول ایدیورمش . نه قدر جهالت نه قدر بلاهت ؟ دقائق فنونه نه بیوک افتادرد .

فن نه قدر ترقی ایتش واسه مناظر عادیه می عقلاره حیرت ویرن کائناتی ، بوخصائص عجیبه بی اهمیتدن اسقاط ایده من . بلکه آنک یك نظرده بلینه میان نیجه نیجه دقائق خفیه سنی کشف واثبات ایدرک نظام عالمک عظمتی ومؤثرینک قدرت وجبروتی مشاهده مرتبه سنه کتیرر . وهرکشفنده : سبحان من اعجز العقول عن فهم فعاله سبحان من وله الفحول عن درک کاله

دیدرر .

فنونک مداری حواس خمس اولدینی جهتله خدمتی فایه الغایه طبقایله ارضی ، تاریخ طبیعیه سیله محتویاتی ، حکمتیله خواص اجسامی ، هیئتیله هیئت عمومیه کائناتی ، ماکنه سیله روابطنی ، کیمیا سیله ترکیباتی کشف ایدوب بوندن ایلرینسی التجی برقوتک ، حال حاضر اعتباریله محاکات عقلیه نک تدقیقه حواله ایده رک الهیات علومک لزومی کوسر ممکن عبارتدر .

بونک ایچوندرکه آشنای فنون اولان ارباب عقول اجزا دورنده فنی براقه رق ایکی به آیرلمشدر . برقسمنک عقلنه اعتمادی وار برقسمنک یوقدر .

عقلنه اعتمادی اولمیانلر اجزا اوزرنده تجربه یه واسطه اوله حق بر آلت بولنیجه یه قدر ایلری به کتمه می تنسیب ایتش ، عقلنه اعتمادی اولانلر ده یه ایکی به آیرلمشدر . بریسی محاکات عقلیه سنی قانون تکاملدن ، محیط طبیعتدن خارجه چیقارمیوب هر آرادینی کائنات ایچنده بولنی عزم ایتش وامکان ذاتی امکان وقوعیدن فرق ایده میهرک ، برچوق ممکنانه محال وبرچوق محالانه ممکن نظریله باقهرق وبر علم مدونه استناد ایتیه رک نظریاتی فرضیات ، فرضیاتی نظریات ظن ایتش کتمشدر .

تلاطمیله شؤنک نه بهره ورحکما ؟ مجادلات فنوننده غرق اولوب کتدی

قسم نایسی قانون تکاملک تحت تعلقنده خالندن حاله ، قالبدن قالبه افراغ ایدیان سلسله موجوداتک آفاقندن انفسنه ، اجراضندن ذراتنه قدر جمله سنک تحت تأثرده بولنسی دلائیلک کندیلرینک وجود وعدملرنده کافی اولنیه جقلری اذعان ایده رک تأثر وتزاید وتناسق ، هیچ بردرلو تحوی قبول ایتین وهیئت عمومیه کائناتک هر نقطه سنده کی سرائر انتظامی ، خفی وجلی حکمیاتی بتمامها بیلن بر خالق واجب الوجوده محتاج ایدوکنی اثبات واعتقاد ایتشدر بونلرده ایکی قسمه آیرلمشدر .

برقسمی اوخالق واجب الوجودک کتاب مکنوناندن بشقه برکتاب الوهینه قائل اولوب نتایج علمیه لرینی هب کائناتدن استنباط ایده بیلدکاربینه حصر ایده رک مأخذ فیضلری بردرجه تحدید وقوه عاقله لرینه حدندن زیاده اعتماد ایتک ایسته مشر وبوصورتله سرائر ازلیت وابدیتده کوری کورینه برچوق حکملر ویره رک حد ناشناسلق ایلدملشدر . بونلر حکمای الهیوندرکه علمای اسلام بیننده اوده دن بری فلسفه تعبیری بومسلك نظر یاننده مصطلح اولدینی ایچون فلاسفه ، تزکیه سی بو زوق طانمشدر . دیکری ایسه اولاجناب واجب الوجودک کتاب کائناتی لزومی قدر بعد التدقیق کتاب خطابندن استفاضه ایلدملشدرکه بونلر محققین علماء اسلامدرلر بومسلكیده کندیلرینه قرآن عظیم الشان تعلیم ایلدملشدر .

۱ قُلْ أَنْظَرُوا مَاذَا فِي السَّمَوَاتِ وَالْأَرْضِ

۲ قُلْ سِيرُوا فِي الْأَرْضِ فَانظُرُوا كَيْفَ بَدَأَ الْخَلْقَ

۳ وَمَا آتَاكُمْ الرَّسُولُ فَخُذُوهُ وَمَا نَهَاكُمْ عَنْهُ فَانْتَهُوا

۱ ای رسول کزیم اویاب تفاعله یرده وکوکورده نلر وار باقیکز . دی .

۲ بر یوزنده کزدیکزده ابتدای خلقت فصل اولمش باقیکز . دی .

۳ پیغمبر کزک قبل الوهیتدن سزه کتیرمش اولدینی شیرلی طویکز سزی نهی ایتش اولدینی شیردن چکیکز .

مابعدی وار درس عام ملازمندن کوچک حمدی

سلام تحیه الاسلامدر

بوکره انتشاری استبشار ایتدیکم بیان الحق غزیه سنه (من کلم قبله السلام فلا تحییوه) حدیث شریفی مقتضایه اولاً تقدیم سلام ثانیاً بولفظ شریفک (بیان الحق) . براعت استلال اولنی اوزره لطفاً قبول واجابتی [۱] رجا ایدرم . زیرا علمای کرام ، وامنای ذوی الاحترام ، حضراتی ذاتاً ملت اسلامیه ، وامت محمدیه نک دارینده باعث سعادت اوله حق اسبابک ناشرومبلریدر . بیان الحق ایسه سلامت وترقی ملتک خادمدر .

سلام لفظ شریفی اسماء الهیه حسنادندر . السلام المؤمن ... آیت جلیله سی بتون مسلمانلرجه معلومدر . دار فنادن ، بقایه رحلت ایدم جک اهل یقینک مطاب اعلاسنه سالماً ملاقاتی (تحیتهم یوم یلقونه سلام) لفظ کریمیه تأمین بیورلمشدر . دارالبقا اولان جنت اعلامیه دخوله استبشار ابتدائینک سلام ایل اوله جفی (سلام علیکم طبتم فادخلوها خالدين) نظم جلیلی مبشردر . احسانک اکرمی ، التفاتک اعظمی ، مطلوبک اکبری ، اولان مشاهده جمال ربانی دخی (سلام قولاً من رب رحیم) قول کریمیه موعود رب الانام ، منتظر خواص وعوام در . بونلر ایسه هر مؤمن ایچون عظیم بر بشارت فحیم برمسرتدر .

ای اخوان دین مبین ، اصحاب جد یقین ، بالاده کی مسرودا تمزدن مستبان اوله جفی وجهله تحیه من اولان سلامک خلاصه تعریفیه ایفا ایدیلجک وایدلیه جک مواقعی علی طریق الاجمال بیان ایتدار ایلرم شوبله که سلام ، طلب الاماندر . عقبنده سنت قدیمه اولان مصافحه ده استقرار مودتدر .

سلام لفظی شریفی ایچون دیگر الفاظ ایل اوله حق تحیه لر اوزرینه مزیات عیدیه ثنوبات کثیره واردر . مبتدی بالسلام ، معرف ومنکر اوله رق یعنی السلام

[۱] وعلیکم السلام ورحمة الله بیان الحق

علیکم ، سلام علیکم صورتلرندن هر قنغیسی ایل ایستر ایسه اعطای سلام ایدر . زیرا قرآن کریمده هرایکسیده موجوددر . والسلام علی من اتبع الهدی ، وسلام علی عباده الذین اصطفی ؛ لکن تنکیرا کثردر . نمازده تعریف متفق علیدر . السلام علیکم ایل ایفای سلام ایدن مؤمنه وعلیکم السلام ورحمة الله وبرکاته ایله مقابله لازمدر . بوبولده مقابله نک ثوابی فضله در . بیلدک و بیلدک اخوان دینه سلام ویرمک امر پیغمبری ایله ثابتدر . را کبک ماشیه را کب فرسک را کب حاره ، صغیرک کیره ، قلیلک کثیره سلام ویرملری ترتیبی اوزره مسنوندر . صبیان اوزرینه سلام ویرمک ترکدن افضلدر . غیرک خانه لرینه بلاستیدان دخول (لاندخلوا بیوتاً غیر بیوتکم حتی تستأنسوا) آیت جلیله سیله منهیدر . حتی والده یانسه کیرمک دخی استیدان ایل اوله جفی کتب شرعیه ده مبین ، وهر عقلیجه استحسانی مسلمدر .

لدی الاستیدان بشقه سنک خانه سنه کیرلکده اهل خانه یه سلام ویرمک (وتسلموا علی اهلها) حکم جلیلی مقتضاسنددر .

سلامک من طرف الباری امر مشروع اولدینی (تحیه من عند الله) و سلامک خانه کز ایچون دخی زیاده خیر و ثوابی موجب بولندینی : (مبارکة) و سلام ، مستمع اولان اهل خانه نک بادی نعلیب نفسلری اوله جفیده : (طیبة) لفظ شریفیه ثابت اولدیفندن البتده هر عاقل مؤمن ایچون بوداره فیض باهرده هیچ بروجهله تسامح وتکاسل کوسرتمک لایق اولماز . تلاوت قرآن عظیم الشان ، وتدریس علوم ، ایدن ونماز قیلان ، یمکده بولنان اهل ایمانه ، اذان ، واقامت ایدن کسه یه ، سلام ویرلماز . چونکه شواشغالات مشروعه وممدوحه لر سبیلده رد سلام ایده منلر . استبراء موقعنده طولاشان ، وقضاء حاجتده بولسانلره اویون اوینامقده اولان مسلمانلره نفی حالنده کی مغیله ومستمعینه ، حامده مکشوف العوره ، اولانلره حال عصیانده بولندقلری ایچون سلام ویرلماز . مدعی ومدعی علیه قاضیه سلام

ویردگری زمان شایسته التماس اولدیفندن قاضی رد سلام ایتمز. و حکم ایچون قاعدین اولان کسه لر قاضی ده اعطای سلام ایتمز. زیرا قاضی به التزام مهابت، محافظه حشمت لازمدر. بوش اولان خانه لر، جوامع و مساجد شریفه، دخولده (السلام علینا وعلی عبادالله الصالحین) دیمک لازمدر. سلام ویرمک سنت رد سلام فرض وواجبدر. لیکن سنت اولان اعطانک واجب اولان رددن توانی اکثردر. چونکه معطی سلام اولان کسه، رد سلام ایدن اخوانه برواجبک اداسنه سبب اولمشدر. سلام ویرمک جهر ایتمسی لازمدر. رد ایدن ایچون اودرجه جهر ایتمامک عندالخفیه ملتزمدر. خلاصه کلام، شوتبشیرات ایله ختم مقال ایدرم که جنت اعلاده مؤمنه جناب حقک اعظم عطیه سی سلامیدر. وسنه المسلمین اولان (سلام) اهل جنتک ده تحیه سیدر. شو آیات جلیله بونی میندر: سلام قولاً من رب رحیم. دعواهم فیها سبحانه اللهم وتحیتهم فیها سلام.

بایزید جامع شریفی
درساملرندن
حاجی نجیب

دین اسلامده هدف مناقشه اولان مسائل

مقدمه

[طوغری بر دینک بعض احکامی یا طش اوله ماز - دین اسلام نه ایله محاکمه ایدیلر؟ - اسلامیتده استخدام اولنان علوم وفنوندن حکمت، منطق - مدارسده طرز تحصیل - علومده تعین موضوع وفایت مسئله لر - قرآندن احکام فنیه استخراجی - صوم و صلو کبی عبادات موقوتده حسابات نجومیه ایله نیچون عمل ایدلیور؟]

صوک زمانلرده بعض انسانلره تصادف ایدیلر که بونلر کندی عقللر نیجه، تعدد زوجات، تستر نسوان، طلاق، فائض، سیغورطه، قمار، چالنی، اصول وراثت، زکوة کبی برطاق مواد حقنده کی احکام اسلامیه بی شایان

انتقاد کوره رک دیلرینه طولامشدر. بونلرک بر قسمی بتون احکام اسلامیه خصم اولدینی حالده ایشته بویله بعضیلرینی وسیله اعتراض اتخاذ ایتمشدر. و دیگر قسمی ایسه احکام اسلامیه دن برچوقلرینک تقدیر محاسنه دأثر اعترافانده بیله بولنه رق یالکز، بودین عالییه بر نقیصه کی تلقی ایتدیکی بعض احکامک تعدیلنی غریب بر خلوص نیقله آرزو ایدر، و بو خصوصده قباحتی دینه می یوقسه علماسنه می بولمق لازم کله جکئی پک تعین ایده من.

ایشته بز بوکی مسائل شرعیه بی بی در پی موقع بحثه وضع ایله کوجز یتدیکی قدر مدافعانده بولنه جفز.

اولا شوراسی بیلیمک اقتضا ایدر که: بر دینک یوزلرجه، بیکلرجه، والاصل بتون احکامی بکه نوب نقدیس ایتمکه برابر یالکز بردانه سنی، اما اودینندن اولدینی قطعیا ثابت اولان احکامدن بردانه سنی فکرا قبول ایتمک اوله ماز. تعیر آخرله بر دین، یالکز بر مسئله - سنده سقیم و غیر مقعول اولدینی حالده شو قصوریه برابر سائر بتون احکامنه نظرا عالی و سماوی، حق بر دین اولمق قابلد کلدرد. بوکی مسائله پک آز علاقه دار اولدقلری حالده اک چوق تعقیبات اجرا ایدنلر، دین، یالکز الهی و پیغمبری تصدیقندن عبارت اولوبوب پیغمبرک الله تعالی طرفندن کتیردیکی تحقیق ایدن بالجمله احکامی تصدیقه متوقف اولدینی اونوتیورلر؛ یاخود هیچ بیلیمورلر.

برچوق انسانلرده واردر که جهت اجرائییه سنده قصورایتدگری بعض احکام دینه بی - مجرد کندیلری رعایت ایده مدگری ایچون بر فکر خود کالمانه ایله - تأویل وانکار ایده رک تلافی قصوره چالیشیرلر. حال بوکه شو حرکت اولکنندن دما بیوک برقصور، عفوی غیر قابل بر قباحتدر. چونکه بر متدینک، حسبالبشریه بتون احکام دینه بی اجرا ایتمسی ضروری اولدینی حالده هپسنی فکرا قبول ایتک، حق بیلیمک لازمدر. ایشته بو دقیقه لرک ادراک ایدیله مامسی محرومیت توفیق

آثارندندر که بعضلر حقنده جهل و یاخود نقصان عمل بوکی مهالکه چکوب کوتورمکه اکال شتامت ایتش اولور.

دین اسلام، فخر عالم صلی الله علیه وسلم افندمن حضر تیرینک واجب تعالی حضر تیری طرفندن کتیرمش اولدینی تحقیق ایدن بالجمله احکامی تصدیقندن عبارت اولدیفنه مینیدر که ذهنه ایلدیشن هر هانکی بر مسئله نک احکام ثابت دینه دن اولدیفنی قواعد مشروعه سی دائره سنده بالتدقیق میدانه چیقارمق و یاخود اومسئله یی ده - حکمتنه عقل ایردیره رک، ایردیره میه رک - تصدیق و اذعان ایلمکدن باشقه چاره یوقدر. الحمد لله حکمت و علوتی کوندن کونه منکشف اولمقده بولسان دین مینمزد عقول سلیمه نک ادراک و اذعان ایده میه جکی بر جهت ده یوقدریا..

بالفرض والتقدیر اولسه بیله حکمتنه عقل ایردیره رک ایردیره میه رک اونو ده تصدیق و اذعاندن باشقه چاره یوقدر دینمک حکمتسزجه بر جبر، منطقه سزجه بر تحکم اولمازمی؟ دیه جکسکز.. خیر اولماز.. چونکه بر دینک حقیقتی و شارع و مؤسسینک صدقنی اثبات ایده جک آیات و معجزات و شواهد مخصوصه واردر که دین آنلره محاکمه ایدیلر و آنلره ثبوت و قطعیت کسب ایتدکن صکره آرتق تکر تکر فروع احکامی، باخصوص مشکوک بر فکر ایله، قاصر بر تحصیل ایله، حقیقتدن زیاده هوا وهوسه مغلوب بردماغ ایله محاکمه قالمشقی عبثدر. چونکه بو، باشه چیقیمیه جفی و فروعدن اصوله انتقال واستدلال قیاندن معکوس بر حرکت اوله جفی کی بر دینک، تعبدی و غیر معلل بعض احکامی ده اولور. چونکه اساس دین معلل ومدلل اولدقدن صکره فروعه ده تعلیل لزوم یوقدر. معلل اولانلرده ده وظیفه ارباب اختصاصکدر.

پک ای، اساس دینک نه ایله تعلیل و اثبات ایدیله بیله جکئی، و بو اساسه میزان تدقیق و امتحان اوله بیله جک دلائل و شواهدک هانکیلر اولدیفنی کوسترمیلز

دکئی؟. اوت.. بو خصوصده عالم اسلام علم کلام نامیله پک بیوک، پک عمیق بر فنه مالکدر، و بوفنک درینلکی، یوکسکلکی او مرتبه ده درکه اوله مراقلیق دعواسنده بولسان پک چوق کیمسه لرده کوریلن کلوب کچیجی بر خواهشله، بر عالمک تصادفی بر محله، تصادفی بر انجرار کلام اوزرینه محفوظاتندن تدارک ایده بیله جکی معلومات ایله هیچ بر محفی اوکره نیله من.. قواعد مقرر سیله آشناقی، منطق، حکمت، مناظره کبی علوم وفنون ایله مناسبت متقدمه، حاصلی جدی برسی، منتظم بر تحصیل ایستدر. اک عالی بر مسئله ریاضیه بی، اساسندن، مقدمانندن خبردار اولیان بر آدمه بر مصاحبه ده اکلا - تیویرمک نه قدر مشکل ایسه بوکی علوم عالییه اسلامیه نک، مقدماتی تحصیل ایتهمش بولسانلره جانلری ایستدیکی زمانده، جانلری ایستدیکی بحثی آکلا نه بیلیمک او قدر مشکلدر. علوم مذکور نک تحصیل ایسه عادتا پاره ایله، بول ایله اولدیفنی حالده اوزرینه بوکون اونستنده منافع شخصیه دنیویه ترتب ایتدیریلمدیکی ایچون بوکی مباحثه دأثر کندیلرنده بی لزوم بر ریاء اشتیاق کوریلن ذوات، تأمین ایدرم که ایکی کون اوغراشامازلر؛ اوصانیرلر.. بحثی کندیلری آجدقلری حالده سزی نهایت بر؛ ایکی ساعت، اوده حلاوت افاده مالکسه کز دیکله بیلیرلر. زیاده سنه ایشلری، کوجلری مانعدر. صوکره مقنع بر نتیجه اله ایدیله مدیکی ایچون ده یینه سز قباحتی اولور. سکز. هله، «بوکی مسائل سزه آکلا تیه ماز. بویله، عقلکنزک ایرمیه جکی، مقدماتنه بیکانه قالمش اولدیفکنز ایچون

واین الثریا من ید المتناول

فجواسی اوزره قامت قابلیتکنزک یتشمیه جکی شیلره قاریشماسه کز مناسب اولور» دیدیکمزمی قباحتنکز دها زیاده بویور، «دین اسلامده کیزی، قبالی شی یوقدر احکام شرعیه بی، رهبانیت اصولی اوزره می اداره ایتک ایسته یورسکز؟» طرزنده غایت فجیع افتراره، سوء تفسیرلره هدف اولورسکز.

موضوع بحث اوله حق احکام شرعیہ نیک عقل و حکمت موافقتی انباندن عجز مزه منی سوزی بووادیله دوشوردیکمز حکم اولماسون . بوکمی مسائل انبائه حد داننده بورجلی بیله اولدیقمزی عرض ایتدکن صوکره بونلر ، تعلیل اولنه مایان مسائل تعبدیه دن ده اولدقلری جهته آریجه و مافوق الوظیفه تدقیق و ایضاح ایدیه جکر دیمک ایسته یورم . حتی احکام مذکوره دن بعضیسنک ، مثلاً تستر نسوان مسئله سنک معقولیتی اوقدر ساده در ، اوقدر جلی بروضوحی حائزدرکه اولدن بری اومستله حقنده برشی یازمق ایسته دیکم حالد بوکا نه صورتله اعتراض ایدیه بیله جکفی دوشونوب بولمق ، جوابی ویرمکن ده ها کوچ اولدینی ایچون یازمغه موفق اوله میوردم . برکت ویرسون که قسم مخصوصنده حکایه ایدیه جکم وجهله اومستله حقنده مصادف اولدینم بر معترض ، در میان ایتدیکی جمله لری یکدیگرینه ، و هیئت مجموعهنسک ده صدد بحثه غرابت ارتباطیله برابر نیم ایچون بوایده بر زمین تکلم حاضر لامش اولدی .

کله لم : مقدمه ده سوزمنک بالناسبه اوضار ادینی وادی ، بالجله احکام اسلامیة علمینده کی وسائط اعتراضک ، اوکی امراض قلبیه نیک منشائی تشکیل ایلدیکی جهته بونقطه لری براز ده ها تشریح ایچون قارئین کرامک مساعدلرینی طلب ایدرز .

علم کلام ، موقوف علمی بولنان حکمت ، منطق ، قوانین مناظره کی علوم و فنون ایله برابر منتظم بر تحصیل ایستهر دیمشدک . اوصرمده بعض خاطر لره کلش اولمق احتمالی واردرکه :

حکمتک واصل اولدینی درجات حاضرینی ، علم کلام ایله متوغله اولانلر علی الاکثر بیلمزلر . اولنرک بیلدیکی (قاضی میر) حکمتی ایسه بوکون اساطیر منسوخه حالته کلش اولدیغندن علم کلامک ، بویله اهمیت قالدیان بر فنه تعلقی کندیسو ایچون موجب نقص و شین اولور . منطقه کلنجه : اونک حقنده اسکیدن بری بسله نن وثوق اعتقاد

ده صوکر زمانلرده زائل اوله رق یرینه ده ها موثوق و مؤتمن اولدیغنده شبهه ایدیلیمین تجربه قائم اولمشدر . علی الاطلاق حکمت قدیمه ایله منطق حقنده اخیرا حاصل اولان شو سوء نظر جدا شایان تعجب و واجب التصحیح بولنان افکار باطله دن اولدینی سویلیه لم .

اولا : حکمتک ، ترقیات و تعدیلات اخیرهنسک معروض اولان ، طبیعیات و فلکیات قسملری اولوب الهیاتی ایسه ابن سینا ایله کلنبوی آره سنده کچن ازمنه ده مظهر اولدینی تدقیق و ترقی هیج بر وقت کورمه .

شدر . ایشته علم حکمت ، علم کلامده محض الهیاتی ایچون لازم اولور ، و علم کلامک عروق و اعصابنه کیرمش اولان بو قسمه بیکانه قالدنامق اوزره (قاضی میر) و امثالی کتا بلردن قطعیا استغنا کوستر یله مز .

بوکتابلرک ساحه تداولده وجودینی استتقال ایدنلر - اعتماد ایدیکزکه - نهدن باحث اولدقلرینی بیلمزلر بیله .

منطق حقنده حاصل اولمغه باشلایان ذهاب ایسه ده ها غریب ، ده ها جاهلاندر . بوذهایی ، عاجزلری ابتدا بش آلتی سنه اول بر رساله موقوتده اوقودم .

و صوکره فنون حاضرهنک اک مقتدر ، اک بلیغ ترجانی اولان بر آغز دن ، فاضل بر دو قوردن ایشتم .

دینیلورکه :

« اقسیه منطقیه دن برینی ، اک مشهورینی اله آله لم : (عالم متغیردر ، و هر متغیر حادثدر . بناء علیه عالم حادثدر) جمله لرینه برچوق صورتله اعتراض ایتک ممکندر ، شو حالد قیاس منطقینک ویرجه کی نتیجه ناصل قطعی اوله بیلیر ؟ برده استدلالات منطقیه اوزرینه مؤسس اولان بونجه حقایق و معلومات ، صوکره کی کشفیات ایله بوزولور . »

بوکا اووقت بروجه آتی جواب ویر یلمش ایدی : قیاس منطقی مجمل بو بولده تعریف اولنور : بر آرایه کتیرلمش ایکی قضیه که کندیلرینک قبول و تسلیم اولملری اوزرینه اوچنجی بر قضیه نیک ده تسلیم اولنمی لازم کلیر .

علی وجه الصیحه استدلالات منطقیه اوزرینه تأسس ایتمه مشدر . یا ماده سنده یا صورتنده ، البته بریرنده بوزوقلق وار مشدر . کیزلی بر نقطه سنده منطقدن آیر یلمشدر . و کشفیات اخیره دیدیکز ، ایشته او نقطه لریک بالاخره آکلا شیلیمسندن باشقه برشی دکدر .

مابعدی وار مصطفی صبری

مقاله مخصوصه

حکومت سابقه بتون عثمانیلره روا کوردیکی ظلمک اک شنیع حصه سنی مسلمانلره تودیع ایدر بیچاره اهالی به حواله ایلدیکی سلاح شقاوت و استبدادک اک مقاومتسو زینی اسلامه مسلط ایدردی .

اختراع ایلدیکی مظالمه ، قانونشکنلکه بر شکل مشروع و معقول ویرمک ، جبین خیانتی ریاکارانه بر صورتده انظار تجسس ظلمدن ستر ایلیمک ایچون اجرا ایلدیکی جنایاتک (حاشا) احکام جلیله دین مییندن اولدینی اعلان ایدردی .

اهالی به خائنه توزیع ایلدیکی ویرکولری خلافتک حق جمعی اولان زکات اولمق اوزره کوستر یردی . معالم دین مینی هدم و تخریب ، مراسم شریعت غرایی محو و نابود ایلیمکی بروظیفه ایدنمشیدی .

کتب دینییه طوپلار ، اک خسیس یرلرده ، حمام کلخنلرنده آتسه یاقاردی .

طلبه علومی - کندیلرنده افکار احرارانه بولند . یغندن طولانی - معونه لرله سپورندی قایقار یله خارجه طرد و تبعید ایلدی . حضور محکمه سی کی بر باب عدالتی سد و تعطیل ، مجله مجلسی کی بر محفل عالم و عرفانی لغو و تشکیل ایتدی . اوروپا لیلر ابن عابدینی ، منهجی فقه خفی ، شافعی ، مالکیندن بیکارله دساتیر عدالت و احکامی ترجمه ایتدکاری ، شرح مواقف کبی کتب کلامیه یی دفعاتله طبع و نشر ایلدکاری حالد رواجکاه سوق

بو تعریفدن آکلا شلمق اقتضا ایدیور که قیاسی تشکیل ایدن صغری ایله کبری ، اولدن مسلم اولمق شرطدر . ایشته منطق ، بوشروطی وضع ایتدکنصکره ایلر یسنه قاریشماز . اولنر هانکی فنه متعلق قضیه لر ایسه مسئولیتلری اورالر عا ددر . مثلاً : (عالم متغیردر ، و هر متغیر حادثدر) قضیه لری برچوق صورتله قابل اعتراض ایش : [اعتراضآده کیم بیلیر ناصل شیلیر ایدی .] وارسون اولسون . بوندن منطقه بر ضرر عا د اولماز . چونکه منطق اوراسنی متکفل دکدر : اگر عالم متغیر ، و هر متغیر حادث ایسه عالمک ، کائناتک ده حادث اولمی لازم کلیری ؛ کز می ؟ شوکا بقالم . البته لازم کلیر ؛ و بولنوم ، ایکی کره ایکینک درت ایتمه سنندن ده ظاهر ده ها محققدر . [۱] الحاصل منطق ، ادله نیک طرز تنظیمی بیان ایدر ؛ ماده سنه قاریشماز . اوراسی مستدلک درجه وقوف و معلوماته تابعدر [۲] .

منطق ، سزک مقدماتکزه کوره نتیجه ویرر . صغری و کبری اولمق اوزره انتخاب ایتدیککنز مقدمه لر طوغری ایسه نتیجه ده شبهه سز طوغری ، واکر یا کلش ایسه نتیجه ده یا کلش اولور . دیمک که نه اگر سه کز اونی یچرسکنز .

کله لم : کشفیات اخیره ایله منززل اولان معلومات ،

[۱] چونکه ایکی کره ایکینک درت ایتمی ، افواه جدیدکی شهرت بدهتنه رغما جای بحثدر . زیرا مهت مخصوصنده قرر ایتدیکی وجهله مددلر ، عند التحقیق اتحاد صرفه دن ترکب ایدرلر . مثلاً سکن مددی ، سکنز دانه واحدن مرکب اولوب نه ایکی دانه دردن ، نهدن بش ایله اوچدن ، نده ایکی ایله آلتیدن [و هام جرا] مرکب دکدر . والا ترجیع بلا مرجع لازم کلیر شو حالد ایکی کره ایکی ده عیناً درت دکل ، درده مساوی ایدر . حال بوکه قیاس منطقینک شکل اولنک انتاجی ، بوکامقیس اولماق اوزره بدیهیدر .

[۲] منطقده ، قیاس بحسب الماده دن دخی بحث اولنور سه ده مختلف قوتلری حائز بولنان قضیه لر دن برر مثال کتیریمک و علی - الدرجات بوقضیه لر دن تشکیل ایدن قیاسک اسملری تمین ایتک صورتیله بحث اولنور

عرفاندن قالدیردی. سنین اخیرده عباداللمه اوقدر مسلط اولدیکه ارباب دیانت و حجت بوملاعین استبدادک جسم اسلامه آجیدنی رخنه لره باقورق بوملکشدن اسلامیتک آرق زواله یوز طوتدیغنه حکمر ویرمهک باشلادی. ماتملر ایچنه کیردی.

«مسلمانلق بومیدر؟ حجت و دیانت بونیمی ایجاب ایدر؟ مملکتی تخریب ایتدیکنز. رعایای ازیکنز اسلامیه اعلان حرب ایلدیکنز» یوللو شکایتلرده بولنلاری برطرفدن ازمکه، محو ایتکه چالیشیر، دیگر جهتدن «نه یایلم زمانم پک نازک، حیاتمز اورو پالیرله خوش کورونمکه، بزده ائار تعصب بولندیغنی صرهمی دوشدیکه اظهار ایلمکه دوام ایده ییلور» کی مقابله لرده بولنوردی. بو ازیلن، محو ایدیلن شکایتیلرک ایچنده معلومات دینییه سی، مکتسباتی اوروپا علوم معارفنه انحصار ایدن وطنپوران بولنه جق اولورسه «اصلاحات بزر سزدن زیاده محبز. مملکتیمزک مخترعات افرنجیه و ائار مدنییه حاضرهمه جلوه کاه ظهور اولسنی بتون موجودیتیزله تمی ایده ریز فقط نه یایلم؟ اورته ده بر دین وار. بر طاقم جهله خلق، متعصبین ناس (۱) او دینک محافظه موجو. دیتنه دامن درمیان غیرت اولمش طور ییلور. پوهائل اورتادن قالمقدجه، بومانعه بر طرف اولمقدجه آرزو. لریمز یرینه کلیه جک، امیدلریمزه بر شکل حقیقت و یریه میه جک» یوللو رفع آواز نفاق ایدردی.

عربک «اذا استطیر یستعیر و اذا استحمل یستطیر» مثل حکمتک تجلیسنی کورمک ایسته ییلر اداره سابقه کی کوز اوکنه آلسونلر.

غریب شی! اوروپالیسلر ظلمدن، محاکمدن، استبداددن شکایت ایدیورلردی. احکامدن، احکام شرع شریفدن، عمومک حقوقی متکفل اولان، نظر عالی خدایسندانه سنده امیر و حقیر، مساوی بولنان، مساوات پرورلکنی قنوا سنده کی — مسمی کیم اولورسه اولسون — زید، عمرو، بکر،

خالد الخ کی عمومی اسملرله تصویر حادثه ایلمکه اظهار بیوران دین جلیل العواندن شکایت ایتیورلردی که بویولده برجیله اظهارینه لزوم کورولسون.

وطنک تالی شاننه، بشرک سعادت حاله دین مانع اولیوردی که بویله نفاقکارانه، کجینانه اعتدارلره ایجاب حال و مصاحت دینسون.

اوروپالیلر، او حکمت حکومت فننده صاحب رسوخ و ملکه اولان غریبلیلر اوقدر کوته بین میدرلرکه لاالی هؤلاء ولاالی هؤلاء فیفای ترددنده متذبذبانه بویان اولان او اشخاص لئیمه ک شخصلری، حقیقتلری علم الیقین بیلمسونلر، او اجرات ملعونانه یی، اومظالم وحشیانه یی اولنرک شخصلرینه و یرمسونلرده دین مبین اسلامه عطف ایلسونلر.

دین مبین اسلام ظلمدن شدتله منع ایدیور، ظالمیری انواع عقوبات الهیه ایل تهید ایلور.

حکومت مستبدانه ارکانی ظلمی بر امر طیبی، ظالملیکی بر صفت شرافت، بر مزیت مخصوصه تلقی ایدیوردی.

دین مبین اسلام احکامده عدالتی، هرایشک اهلنه تقویضی امر ایدیور.

حکومت مستبدانه عدالتی بر جنایات عد ایتکدن، ارباب اهلیتی صدمات ظالمانه آلتنده ازمکدن کپور طور میوردی.

دین مبین اسلام حب وطنی ایماندن بر شعبه اوله رق ارئه ایدیور، علی قدر الاستطاعه لوازم حرب وسطوقی اعداد و احضار ایلکی امر ایدیور.

حکومت مستبدانه وطنی سونلری، حتی وطن لفظی اغریبنه آلانلری جنایتله اتهامه، بیک درلو فرعون پسندانه اشکنجه لره محو چالیشور، قوی بریه و بحر-یه نک انحطاطنه، پریشانلغنه چالشمی اقدم وظائف حیت و انسانیت اعتبار ایدیوردی.

دین مبین اسلام خفیه لکی تزییف، و اربابی لوم و تهدید ایدیور.

حکومت مستبدانه ارباب ناموسنی خفیه لکه تشویق و اجبار، بیت المالی خفیه لره تخصیص و ایشار ایلوردی. دین مبین اسلام مشاوره یی توصیه و امر ایدیور.

حکومت مستبدانه دولاب حکومتی تدویر کنیدیسندن بشقه سننه برحق بخش ایتیور، ارباب حمیتک آغری قیزغین دمیرلره داغلیوردی.

دین مبین اسلام مهددن لحده قدر اربابی اکتساب عرفانه سوق و تشویق ایدیور، بیلنلرله بیلمینلرک بر اولیه جغنی بیان ایدیور.

حکومت مستبدانه انتشار معارفی منعه چالیشور، مدرسه لرک، مکتبلرک چاره انقراضی آراشدیر ییلور، کتبخانه لرک محو اولدیغنی، کتابلرک یغما ایلدیکنی مساحه کارانه، مسروران آلفیشلا یوردی.

دین مبین اسلام سارقلرک دست تجاوزنی کسور. حکومت مستبدانه ملتک کیسه سنی صومقده بیت الماله ایصال دست خسار ایلمکه اظهار رسوخ و ملکه ایلوردی. دین مبین اسلام راشی ایل مرثشی لسان نبوی ایل تلغین ایدیور.

حکومت مستبدانه رشوت برکسب مشروع و طیبی ایدی. بر درجه ده که مصالح عبادک مدار تسویه و تمشیقی اولان مأموریتلر رشوتله آئیر، صابیلر، دوا ئرده ایشی بولنان کیمسه رشوت نامه برشی و یرمدیکه ایشی کوردیرمه مقتدر اوله مازدی.

دین مبین اسلام سالکینی تجارتیه، کد یمینیه کچنمکه، اخلاق الله ایل تخلقه سوق و دعوت ایدیورکن حکومت مستبدانه سایه لطفنده برچوق تجارتخانه لر افلاس ایتدی. مملکتدن فکر تجارت بتون بتون زائل اولدی، هرکس کوزنی بیت الماله دیکدی. مساوی اخلاق صوک دهشت و شدتیه حکم فرما اولغنه باشلادی. خلوص مقصد، حسن نیت قالدی. ریاکارلق اک شایان اتباع

برمسلك اولدی. و بناء علیه بعض حکمانک «ریا کارلغک نتیجه سی دینسز لکدر» قوی اولانجه قوتیه تجلی ایلدی الحاصل هرکالک زوالی طیبی اولمقله صحرانور دشقاوت اولان حکومت مستبدانه سالک اولدینی ره نارفته ده رهین کال و نهایت غیره اللهمک ظهور یله دوچار اضمحلال اولدی.

مسلمانلر! صاقین مایوس اولمه یک. چونکه اورته ده باعث یأس و قنور اوله جق بر سبب یوق.

دین مبین اسلام شعشعه عالم افروزی الی ماشاءه ادامه ایدوب طوره جقدر. ایشته اونور الهی یی اطفایه بذل مقدور ایلان خذله — معجزات باقیه سندن اولمق اوزره — اورته دن قالدی.

مسلمانلر کنیدیکنزه کلیکز. طالبدیکنز خواب عیالات و غفلتدن بیدار اولیکز. اطرافیکزه باقیکنز، باقیکنزده کائناتده جوشان اولان میل ترقیده کنیدیکنز ایچن بر مجرای سلامت تعین ایدیکنز. دائرة شریعتدن بر لحظه ایرلایکنز. بر بریکزله تأمین حسن معاشرت ایلایکنز. جبل متین وفاق و اتحاد درت الله یاییشکنز. چونکه یداه مع الجماعة [۱] «لاتنافسوا بعدی ولا یضرب بعضکم رقاب بعضکم» مألنده اولان وصیت نبویه فراموش ایتیکز. عموم وطنداشلیریکنزله خوش کچنیکز که عدالت عنوان نجابت اسلامیت، صدق و خلوص طویت متحتم ذمت انسانیتدر. ان لیس للانسان الاماسی وان سعه سوف یری.

فاتح درساملرندن
حافظ محمد

— بحث بعدالموت —

اولد کدنصکره دیرملک؛ معتقدات دینییه مزنددر. بتون شرایع مقدمه؛ اعتقاد معادک وجوبی متفقاً قبول [۱] بن جوار رحته انتقال ایلدکن صکره بر بریکزله بوزوشماک. بر بریکزی بوغازلاماک.

اوروی زمین ؛ دها دونکی کون یابس . کتله تراییه
حالنده ایدی . بابوکون لباس سبزینه بورونمش ، تماشانه
دویولز برقالیجه دلنشین .

بوتحولات بدیعه قارشی لسان تقدیسکنز :

سبحان من تحیر فی صنعه العقول

سبحان من بقدرته یعجز الفحول

دیگدن کندینی آله میور .

وقتا که مصباح منیر نبوتدن بالذات استناره ایلنک
دور سعادت — جناب رسالتآب افندیمنک عالم لاهوتیه
رجوعیله — منقطع اولدی . خلفای راشدین حضرتلرینک
عهد کرینلری ده ختام بولدی . فرق ضاله تنکثر ایدرک
سوبسو اعتراضلر ، درلو ، درلو شهیرلر ایقاع ایلدی .
منکرین فلاسفه ده (بعث بعدالموت) ک وجودینه قائل
اولق ؛ محالات عقلیه امکان ویرمک دیگدر دیدی .
هان علمای اعلام حضراتی « هر بر مکلفه شرعاً بعث
واعاده نک وقوعه فقط محال عقلی بی مستلزم اولیه حق
صورته وقوعه اعتقاد ایتک واجبدر . کیفیتنی علم
الهی به تفویض ایدرز بعث واعاده ایمانک حتیچون بزه
تبیین کیفیت لازم دکلدر . واجب تعالی حضرتلری
امر بعثی ایستدیککی کبی اجرا ایدر » دهرک اک کسیرمه
جواب لازمی اعطا ایتدی .

فقط — الله قبرلرینی پر نور ، همت واقعه لرینی مشکور
ایتسون — ینه او علمای دین ؛ بعض افکار ضعیفه
احسانک معتقدانی محافظه ، شبهات واقعه سنی ازاله
ایچون سرد دلائل خصوصنده قصور ایتدی .

بز ، شوراجقده وجوب ، استحاله ، جـوازدن
عبارت بولنان احکام عقلیه دایر بر مقدمه سرد ایتکیلکی
وجیه دن عدا یدیورز . چونکه بومقدمه ؛ اسالاس
اسلامیت اولان (معرفه الله) — که فیض وجوددن مقصود
اصلی ده آنجق اودر — کبی بر جوق معتقدات اساسیه نک
توضیح حقیقتنه ، موافق عقل و حکمت اولدیغنه
مدار یکانه اوله جقدر ،

ایده کلش وشوقدر وارکه کیفیت وقوعنده اختلاف واقع
اولمشدر .

علمای فخرام ، حکمای اسلام (بعث بعدالموت) ک
وقوعنه دائر براهین مقننه اتیان ایتمشلردر . برحاله که
ذره قدر عقلی اولان ؛ او قناعت بخش عقول دلائلی
دریش تأمل ایتدکه قبول خصوصنده ترده محله کورمز .
نیر تابان سالت ، بدراتم نبوت افندمن حضرتلری
اعتقاد معادک وجوبنه دائر شرفوارد اولان نصوص شرعیه بی
مشرکینه تبلیغ بیوردقلرنده آنلر ؛ « حیات کندیلرندن
ابدیا مفارقت ایتش ، بتون اجزاسی فنا پذیر اولمش
امواتی فضل اولورده الله احیا ایده بیلیر » دیه متعجبانه
شبهلر ایراد ایتدیلر . فقط فرقان حکیم التبیان ؛ شبهات
واردنی — ادراکات وعقوله اک مساعده ، انقرب بر
طرز حکیمانده — برخیلی آیات بینات ابله دفع وازاله
ایتدی .

مال منیفی افادات آتیه ایله تبیین وادا ایلدیکمز
معانی جلیله ؛ او حکمیات عالیه جمله سنددر .
« قدرت تامه به مالک بر حکیم لم یزل ؛ هرشی مرادات
سبحانیسه سی دائره سنده تدویردن هیچ بر زمان عاجز
اولماز .

کمال علم ایله متصف بر دیان علیم ؛ برشی نقدر دقیق
اولورسه اولسون محیط علم ازیلسندن خارج براقاز .
بوقدر انتظام بدیعه ، اتقان واحکامیه کائناتی
هیچ یوقدن ساحه وجوده کترین برقادر مطلق ، جای
اشتباهیدرکه اولجه عالم شهوده کلوبده صکره رهین فنا
اولان امواتی اعاده به قادر اولسون ؛ قادردر قادر .
باقکنز !

دم خزانک حلولیله بی روح برحاله کلن روی زمینه
بهار وقتی کلنجه باران فیض رسان انزالیه اثر حیات
بخش ایدیور . برده باقسه کزکه جابجا آثار خضارت
ونضارت رونما اولیورمش ؛ هریده مشهود اولان بهجت
ولطافت ؛ جالب حیرت ومقننیتکنز اولور . حالبوکه

وجوب . — برشیئت یوقلنی قبول ایتمه مسیدر .
برک ، ایکینک نصفی اولمی ، خالق عالمک وارلنی کبی .
برک ، ایکینک نصفی اولمی ، خالق عالمک وارلنی
عقلاً واجبدر . تخلف قبول ایتز . شوقدرکه اولکیسی
بدیهیدر دلیل محتاج دکلدر . ایکنجیسی نظریدر . دلیل
محتاجدر .

استحاله . — برشیئت نبوتی قبول ایتمه مسیدر .
نبوتی قبول ایتین شیئه مستحیل ومحال عقلی دینیر .
اوج عددینک چیفت اولمی ، خالق عالم ایچون شریکک
بولنمی کبی . بونک ده اولکیسی محال بدیهی ، ایکنجیسی
محال نظریدر .

جواز . — برشیئت نبوت وانتقایی قبول ایده
بیلیمیدر « احمد کیتدی . فلان آدم ، باقری آلتونه
قلب ایتدی » کبی .

احمدک کیتمی ، فلان آدمک باقری آلتونه قلب
ایتمی جائزات عقلیه دندر . شوقدر وارکه اولکیس بدیهی
تعبیر دیکرله عادی درکه عاده جوق واقع اولور . عقل ؛
بونی استغراب ایتز . لکن ایکنجیسی یعنی فلان آدمک
نحاسی ذبه قابی عقلاً جائزدر . فقط عاده نادر یاخود
اصلاً واقع اولماش اولدینی ایچون بادئ امرده عقول ؛
بونی استغراب ایدر ، جواز نبوتی ایچون دلیل ایستر
دلائل مقننه سنی سرد ایتدکی هان جائز الوقوع اولدیغنه
قناعت حاصل ایدر . مستحیل الوجود اولدیغنی اعتراف
ایدر .

ایشته عصمانک ، قوجه برییلانه انتقلائی ، دکزک
انفلاقی ، آنشک یاقامسی ، حیوان اعجمک تکلم ایتمی
وامثالی بیکلرجه مستغرب عقول اولان جائزات عقلیه
هپ بوجله دندر .

جریان عادتدن قطع نظر ایدرک شو عالم شهوده شویله
بر عطف نگاه ایدم . محیر العقول نه قدر غرائب کورورز .
عجبا طوبراغک نباته ، غذایه ، قانه ، نطفیه ، علقیه
ات پارچه سنه ، دها صوکره ذی روح ، سویلر ، ایشیدر

کورور ، عالم ، محقق ، حکیم ، مدقق برانسانه !! انقلاب
ایتمنده آز غرابت می واردر ؟

عجبا جریان عادته مأوف اولماش اولسه ایدک
بارانک ارض یتیه نزولیه حیرتس انظار اولان درلو درلو
آغاچلری ، شکوفه لری ، طادی ، رایحه سی ، لونی متنوع
میوه لری اثبات ایتمی بزه اغرب غرابتدن گلزمیدی ؟ !
عجبا ائتلاف عادت اولمسیدی اوفاجق بر دمیر پارچه سی
بایاغی برطاشه چاققله حاصل اوله جق کوچک بر شراره نک
قوجه بر بلده بی اولانجه موجودیله طعمه ذندان لهیب
ایده رک منقلب خاکستر ایتدیکنه تعجب ایتزمی ایدک ؟
هله بعض اجسامک یکدیگره دلاک وتما سندن حاصل
اولان بر قوت غیر مرئی ؛ (الکتریک قوتی) قوجه قوجه
جسملری تحریک و آنک واسطه سیله انقال جسمیه بی ،
افکار بشری چار اقطار جهانیه جر وایصال ایده جکنه
نصل اینانه بیلیردک ؟

لکن الفت عادت ، تکرر مشاهدات ؛ عقلاً مستحیل
کور دیکمز بوی حیرتس عقول شیلردن غرابتی تدریجاً
ازاله ایدیور . ادله سی ده سرد ایدیلنجه تماماً قناعت
حاصل اولیور . اولیورده اوت ؛ بو حادثات وبونده
مندج اسرار عجیبه بر مؤثر حقیقینک اثر صنع بدیهیدر
دیور .

صده رجوع ایتدن شوراسنی ده عرض ایده یم که
اسالاس اسلامیت اولان (وجود باری بی اعتقاد) .
نسبه فروعدن عد اولنان (بعث بعدالموت) کبی مسائله
ازاله شبهات ایچون بسط دلائل ایتدن مقدم وجود
باری بی اثبات ، صوکرده فروعه دائر براهین اقامه
ایلمک لازمه دندر . تا که معترض اصلک دلائلی نصل
شایان قبول ، موافق عقل و حکمت اولدینی تأمل ایدرک
فرعک براهینی ده قبول خصوصنده کربوه شبهاته
صاپوب طور مسون .

حسین حازم

مابعدی وار

ادبیات

دور استبدادده سولینمش

بر مسامرۃ سماویہ

ای سما! یو کسکله که خا کیرل یتشه من. خا کیرده
کوریلان بیوکلک ینه سنک آثار عظمتکدر. خا کیرلک
خزائن حیاتیہ سی اسباب معیشتی سنده در (وفی السماء رزقکم).
خا کیرلک سعادت دنیویہ و اخرویہ سنی متضمن کتاباه
سندہ محفوظدر (بل هو قرآن مجید فی لوح محفوظ).
ای آسمان! صفت رحمانیہ و اسماء ذاتیہ و صفاتیہ سنده
متجلیدر (الرحمن علی العرش استوی). سنک بیتک
معمور. سقفک مرفوعدر. بنم بیتم خراب، سققم ییابدر.
سن مجمع انوار حکمت، مخزن اسرار فطرتک. عالم
اجسامی محیط و سقف جنت اولان عرش اه سنده در.
اما عالم اکواند نسک. عالم اکوانه قدرت اللهک تعلق
مساویدر. شوتساوی تعلقه اشتراکزی اونومه آرتق
خا کیرلردن سهام جوریکی کس. ای آسمان! اجرامک، سکانک
بتون غلویله، لاهوتیلردر. اما بواضطرابات عنصریه باری
چکن ناسوتیلرک اداره امرجه سی و تصرف جسمیسی
ینه نفوس مجرد لاهوتیه دن اولان ارواحده در. بوعالم
عنصرده چکیلان عذاب الیمه آرتق خاتمہ ویر نتیجه
کوستر. خا کیرلره مرحمت حرمت ایت. کوکل آرتق مواد
عنصریه دن انسالخه چوقدن راضی اولمشدر. (فیا جذبا
الموت الاحمر). خا کیرل فریادلرمی عجزلرندن ایشتمبورلر.
کویا آنلر، حیات وقوه سامعه یه مالک دکلردر. آق
صاچلرم وضعیف تترک اللرمی سن که قبله مناجاتسک
سکا قارشوقالدیروب اغلایه رقی پیرانه ایتدیکم مناجاتلریمک
قبول امیدلری بی متسللی ایدیور. وشو امیدلرله حیاتم
سورونجمده قالیور.

اسکدار در سعاملرندن
ولدان

بیان الحق

جماعت

برسس کلیر صماخ کزین اجابته
برسس که دعوت ایلر انامی عبادته
برسس، بتون جوارحی وقف سکون ایدر
آفاقه طوغری یول بولهرق یوکسه لیر، کیدر
یارب! نه در بورابطه عشق سرمدی؟
برنشوه باشلاینجہ اذان محمدی
اطرافدن صنوف بشر طویلا نیر، کلیر
سیر ایلین بوجذب لاهوته ایمره نیر
هر کسده برخشوع درونی، بر اهتمام
آزاده بر سکون شغفدار احترام
پیروجوان، غنی و کدا هپ برر، برر
بر بارکاه عازم وجوشان اولور، کیدر
بر بارکاه اقدس امت که هرجهت
اولمش ایچنده آیریجه بر دار مسعدت
بر بارکاه اشرف ملت که آن بان
اولمقده در سروش سماواته آشیان
صفرل سکون ایچنده قرین خضوع نام
چیقمش حضور حقه علی وجه الانتظام
نفسیله جنکه کیرمه کلش موحدین
عازم جهاد اکبره جند مجاهدین
برحس عاشقانه کلیر آشنالره
(اه اکبر) اولدیمی جوشان سماره
بر حال انجذاب خوشانه در، کیدر
بر هیئت بلند ضراعت دوام ایدر
هر صفده بر مخافت و وجد خدا نمون
کویا زمینہ، طاعته ایتش مہیمون
یاخود مقام حیرتہ چیقمش بی بشر
بر جذبہ، والہانہ رکوع و سجود ایدر
ربط ایلمش قلوبی صمیانه خالقه
باقاز حظوظ نفسه، اودرلو علاقہ

بیان الحق

هر دم کلیر مساجده صبح و مسادیمز
مؤمن اوبیت حقندن اوزاق دوشمک ایسته من
ناحق براعتقاد ایلہ خادم خسارینه
ملحد باقک کلیرمی جوامع جوارینه؟
وابسته اعتقاد و عبادت مشیتہ
انسان کورور، کورورده اینانماز حقیقته
ملا جلال او حضرت استاد نکتہ زن
بحث ایلپور شو قصه عبرت نشانه دن
« وقتیلہ محتشم بر افندیله - صبحدم
ارکان بندگانی میاننده ذی قدم -
بر عبد پروفاسی برابرجه خانه دن
چیقمشدی... یولرندہ دوام ایلپور ایکن
ایتمکله بر مؤذن اذانه مباشرت
کلشدی عبد مخلصه شوق مطاوعت
اذن ایسته یوب دیمشدی: آمولای محترم!
کیتسم نولور نمازی قیلوب عودت ایلسم
عبدک شوفکری طبعه موافق دکسه ده
اولمقله هر ناصلسه قرین مساعده
کیتمش... فقط امام و جماعت برر، برر
چیقمشدی... بونک رجوعنه دائرسه بر خبر
یوقدی... او طالیدی ذکره کجکشدی عودتی
جلب ایلپوب افندی یه حالیلہ حدقی
سسلندی: نرده سک به!
مہیای عودتم
عفو ایلہ یک آسرور صاحب مروت! ماہر
بکار... ینه او جله بی عینیلہ بر تعب
تکرار ایدر: نه در؟ نه ایچون بویله بی سبب
عودتده عاصیانه بو حالک؟
اصلا براقیور که بومملوکی
سویله: کیم؟

اولدی بتون جماعت مسجد چیقوب روان
کیمدر سنی حضورمه سویله، بر اقایان؟
- کیم می؟ اوت! او ذات الہی که (حکمتی)
حیران ایدر عوالم فکر و رویتی -
هر کون مروریمزده بویولدن شو معبدہ
بردم سنک دخوانکه ایتمز مساعده
قیلیدی بوعبد عاجزی سیراب عاطفت
ایتمکده در رجوعمه آرتق ممانعت
قصه، معلوم؛ فقط حصه؛ سزای تصویر
بری بر میر معظم، بری نژدنده اسیر
بری مردود جناب صمدیت، مہرم
بری مقبول حضور احدیت، ملہم
بری پا درکل پر جہل و ظلومیتدر
بری زانوزن محراب عبودیتدر
هانکیسنده متجلی شرف حریت؟
هانکیسی مرتبط رابطه رقیب؟
حر اولان خالقه بر حصه عرفان ایدینیر؟
نفسه مغلوب اولان آوارہ لره حر می دینیر؟
حر دکل، بونلره انسانده دیمک زاندر
چونکه امنیہ لری معصیتہ عاندر
بوسیدن بیورر حضرت حق عزوجل
بویله مادون بہیمیت ایچون: (بل هم اضل)
ایلمز امر الوہیتی اصلا اذعان
یالکنر شکل و قیافتجه اولانلر انسان
حق جف القلم انکاره یوررکن حاشا
حسن ملیتہ مالکمی بولنسون؛ اصلا
آرامہ، نافله بونلرده بولنماز اوشرف
آکلا یوب، دیکلمہ دن دینی ایدر طعنہ هدف
فکر تقلید ایلہ مردلرلو شوئن غریبه
دوشورر فرصتی اخلاقه اورر برضریه

دیمه ز آلمه لم معرفتن اوروپانك
دیوروز مفسدی ده ، مصاحی ده وارد انك
كندی آدملرینه ترك ایدرك عادتی
كیده لم اوكره لم حكمتی ، صنعتی
سعی وغیرت ایله تعمیمه توسل ایده لم
صوكره آتی ایچون اللهه توكل ایده لم
حسن تعظیم ایله یاد ایله لم اسلافی
یأس وحرمان ایله آغلاقمه لم اخلافی
فاتح درساملردن قونیلی
ع . عاطف

آرزوی دل

كوكل ایستركه هریر علم وفته بزمكاه اولسون
وطن هر معرفتله جهله قارشی رزمكاه اولسون
او اولر ، قهوه لریر اولوب ده مكتب ملت
بتون سوزلرله محبتلر ترقیه كواه اولسون
سوزولسون نظره اندیشه دن افكار استقبال
بواستقبال ، حال اولسون ، بزه برشاهراه اولسون
دماغندن چیقان ارباب فكرك نور عرفانی
سمای شان امتده برر خورشید وماه اولسون
كچیردك اك كوزل ادوار قیمتدار ماضی بی
جهالتلر ایچنده محو اولان ازمانه آه اولسون
بوكون الحمد لله ایشه كلدی دور حریت
بونك معناسنه افكارمن برجا بكاه اولسون
مساواتك باقك تمثالی آرتق تازه جان بولدی
آمان هر كس براولسون ، تفرقه محو وتباه اولسون
جهالت ایستیوردی دور استبداد بزلردن
عدالت قوغدی اول دوری بو ، دور انتباه اولسون
بزه فرض اولدی ورزشله تكمل ایله مك شمدی
روای ؟ فرض اولان شلرده ذره اشتباه اولسون
حیات اولماز بوملتده مكر افراد موجوده
قنون ومعرفتدن بالعموم امداد خواه اولسون

جهانده بر نمونه واری ، كوستر مك ده ممكنی ؟
فضیلتلر اولانلر ديكره پشت وپناه اولسون
اولورسه كندینی ، محیسنی برلكده محو ایلر
بوكون مشهوردن بر بزه اندیشه كاه اولسون
چالیشمق ، هپ چالیشمق ، ماحصل دائم چالیشمق
بونكچون اورتاده مانعی وار در سدره اولسون ؟

كوكل بوجه ایله اصلا قناعت ایلیه من
دها نلر ، نلر ایستر ، فراغت ایلیه من
شمندوفرلری ایستر ، سفینه لر كوزه دیر
معادننده بوملكك دینه لر كوزه دیر
سمایه سرچكن اورمانلری كورونجه دیور :
باقك شوتوده سیم وزره ! عقل كیدیور
نیچون ؟ نلر ؟ بیله لم بویه قالدی بی امداد
نیچون ، نلر نلر ؟ بونلری یایان ، بی داد
فرانسه ده بوكون اورمانلری حساب ایدیکز
حسابی یاهرق شویله بر کتاب ایدیکز
برك حداسنه اون بر كلیر بو ، مطلقدر
براستایستیه باقسه ق بوسوز محققدر
بزم بر آلدیغمز یرده اونلر اون بر آلیر
بو بر غروشه عجب هر سنه بزه نه قالیر ؟
بش آلتی جنس اولیور اورده حال بوكه اشجار
اوتوز قدر اولیور بزه ایتمه استكثار
هله معادن موجوده بی براز براقك
دونوكده یوللره ، مكتبلره كوزلجه باقك !
فقط نه یول ، نه واپور وار ، شمندوفرده كذا
اك اوچه هانكیسی بیلمم ملاحظاته سزا ؟

بزمه هر كسه قالسه وطنده مكتبلر
آچیلمالی وتأسسده ایتلی یریر
دیمك كه رهبرمن شمدی مكتب اولمالیدر .
وطن بونی نه یاپوب یایمالی وبولمالیدر

معارفك نه بیوكدر وظیفه سی بوزمان
بونكله قائم اولور مملكتده عدل وامان
بونكله اك كوزل اخلاق فاضله بیلینیر
بونكله قلبه چوكن ظلمت هوا سیلینیر
صلاح حال عمومی معارفه محتاج

حضور بال عمومی معارفه محتاج
مدارسكده بوبایده عظیم همتی وار
بقای دینه مساعیسی ، بونجه غیرتی وار
هان دینیركه یكانه سبب ، بومدرسه لر
فقط نه چاره ؟ ییقلمش كبی مؤسسه لر
باقلمامش ، چورومش ، هر جداری خاك اولمش
بوكونی حالی حقیقتده هولناك اولمش
یازیق ! یازیق ! بونلر ، بودار عرفانلر
نلر یتیشدیر ییورمش ، نلر ، نه انسانلر ؟
بویاتخت جلیلك تقرر ایله مسی
بویوزدن اولدی محقق تنور ایله مسی

جمعیت علیه انرا ندن
محمد عارف

ترجمه پند نامه شیخ عطار
رحمه اه تعالی علیه
در مناجات قاضی الطماجات

جرم وعصیانم الهی بی شمار
مجرم بن ، سن ایسه آمرزگار
هر نه ایشلر سهك كوزلدر ای اله
ایلدن بن واقعا بی حد گناه
بن غریبق بحر عصیان اولمشم
عاقبت آندن پشیمان اولمشم
دوز و شب بر عبد عاصی اولمشم
غافل « یؤخذ نواصی » اولمشم

كچمه مشدر بی كنه بر ساعتم
یوق حضور قلب ایله بر طاعتم
باب احسانكده نادم بنده یم
ملتجی بر بنده افكننده یم
مغفر نخواهم قیو كده ای اولو
چونكه باز اولدی در لا تقنطوا
بحر الطافك كه بی . یایاندر
رحمتكدن بی امل شیطاندر
دیو نفس اورمش کریم را همز
رحمتك اولسون شفاعت خواهز
ای خدا چرك گهنندن ایله پاك
تا كه جسم اولمدن دنیاده خاك
هم ویرر كن صوك نفسده جانی
ایله احسان وعطا ایمانی

در بیان تأدیپ نفس اماره

ذات عاقلدر اوکیم شاكر اولور
صوكره كندی نفسنه قادر اولور
حدتن هر کیم بیکر سه ای جوان
ناجیاننددر او کیمسه بی کبان
آدمك اك ابلهیدر اول حمار
کیم هوای نفسی آردندن قوشار
کیم سنی انجیتسه عذرین قیل قبول
بوله سك سن باب غفرانه وصول
مردم آزار انه بغض ایلر خدا
بویه خصلت مؤمنه اولماز روا
جرح ایدن قلب غریب آواره بی
كندی جسمنده آچار اول یاره بی
کیم كه دل آزار اولق قصد ایدر
هر ایشی بار عقوبتله گیدر

ای اوغل ایختمه قلب عالمی
دور ایدر اللمدن او آدمی
قیرمه خاطر التفات ایت عالمه
وقت اولور محتاج اولورسک آدمه
معتبر اولوق دیلرسک ای اخی
قیل ایوایش اوله بدگو بردخی
ایلیکی قادر دکلرسک ایتکه
باقه اصلا راه ظلمه گیتکه
نور دیدم ذمه اوینامه لی
ذمی سومن چونکه الله ونی
هرکیم ایلرسه همیشه غیبتی
سوق ایدر الله اکا هر ذاتی
ع کانون اول سنه ۳۱۸

ایوب : نجفی راجی
(مابعدی وار)

اجتماعیات

نفوس مسئلهسی

نفوس مسئلهسی برملکت ایچون هم سیاست ، هم ده
اقتصادی احاطه اهمیتدر . سیاست نقطه نظرندن هرکس
متفقددر که برحکومتک قوه عسکریهسی مقدار نفوسیه
متناسبدر . علی الخصوص هر حکومتک « ملت مسلحه »
شکلی آلدینی شو زمانده استقلال مملکتک محافظهسی
دشمنه قارشى سوق ایدیهجک عسکرک نفوذیه نمکندر .
برده برملکتک شان وشوکتی ثروتیه متناسبدر . ثروتی
مفقود اولان دولتر دائماً شان وشرفلرینی و حیثیتلرینی
ضایب ایتشلردر . بناء علیه شو رزمکاه دولیده احراز
غلبه ایچون مملکتک ثروتی تزید ایتکه چالیشمیلدر .
ثروتک مستحصلی انسان اولدینی جهته مملکتک نفوس

موجوده سیله ثروت مستحصلهسی آراسنده برنسبت
بولنقده ضروریدر . ایتدی تراید ثروتک اسباب
مهمه سندن بری کثرت نفوس اولور . نفوسک تدبیری
دکل حتی توقی بیله غرب ارباب حکومت و سیاستی
واقتصادیوننی فوق العاده مشغول ایتکده در . مثلاً
فرانسزلر برمدندن بری نفوس اهالیکنک تدبیرسندن
شکایتلرایده رک بوکا چاره عاجل بولمغه چالیشمقده درلر .
ازدواجانی تشویق ، حفظ صحت قواعدینی تعمیم ،
خدمت عسکریه مدتی تنقیص کی تدابیره مراجعت
ایله مکده درلر . برملککنده نفوسک تکثری اولان تولداتک
وفیاته فائق اولمسیله ، ثانیاً او مملکتک خارجندن
برطاقم مهاجرینک اسکان ایدلمسیله اولور . مهاجرت
مسئلهسی آریجه تدقیق ایدلمک اوزره بو مقاله مزده
تولداتک وفیاته نسبتله ترایدینی بادی اولان اسبابی
تفصیلک و ایضاح ایده جکز : معلومدرکه تولدات
ثمره ازدواجدر . تولداتی تکثیر ایچون ازدواجانی
تشویق ایتک لازمدر . ذاتاً نظام عالمک وقت مقدره دک
بقاسی نوع نی آدمک تناسل وتوالد طریقله پایدار
اولمسنه منوط اولدینی ایچون جناب حق ذکور ایله انانی
یکدیگره طبعاً تمایل اوله رق خلق وابداع بیورمشددر .
بنابرین ازدواج برامر فطریدر . شرایع مختلفه ده
ازدواجی امر اولدیفندن همده برامر شرعیدر . شریعت
جليله احمدیه نک بو بابده کی اوامر علیهسی نه عظیم حکم
اجتماعیه پی محتویدر . برطرفدن تعدد زوجاتی جائز
کوررکن دیگر طرفدن طلاق ابغض حلال عدا ایتکده در .
نبی اکرم علیه الصلاة والسلام افندمن حضرتلری نکاحه
ترغیب ایله نفوس اسلامیه نک تکثرتی تأمین بیور .
مقدمه درلر .

قادیکنک جمعیت بشریه ده کی وظیفه اصلیهسی عائله
تشکیل ایده رک چوجق یتشیدیرمک اولدیفندن اک بیوک
مدار افتخار ومباهاتی چوجقلری اولمیلدر . حال بوکه
فرانسزلردن بعضلری شو صوک زمانلرده کثرت

اطفالندن اجتناب ایتکه باشلاقلردن سوء سرایت ایله
خانلرمزده دخی بوکی افکار حاصل اولمغه باشلامشددر .
سلامت مملکت ، محافظه شان وشوکت ایچون بوجریان
افکارک نه رتبه مضر اولدیفنی بی پروا سوبله ملی ترک
حیثیترنده زره قدر شبهه من اولیان نسوان اسلامیه بونک
وخامت عاقبتی ادراک ایده رک بو غفلتدن قورتولسونلر
برفرانسز قادینی ایچون چوجق بیوتک بربار اوله بیلیر
چونکه انانی حملده ایتدیکی کی کزوب طوزمقندن
قیشین صباحرله قدر بالورده ، شونک بونک حرایص
وملوث قوللری آراسنده رقص ایتکدن ، بوز طوتمش
نهرلرده کوللرده قیزاق قایمقندن ، یازن صولره کتمکدن
دکزه نیم عریان کیروب هرکسه کنیدینی تشهیردن ،
یاریشلره اشتراکدن منع نفس ایتک لازم ، مدت نفاسده
اوده قبانوب اوطورمق ایستر ، چوجق طوغدقندن
صکره اکر وقت وحالی مساعد اولوب برسود آنا
طوته مازسه بونی ارضاع ایتملی ، بزلینی بیقاملی . براز
بیوسوده ینه ایشی یتمز ، توکنمنز آناسنک پیشندن
آرملاز والحاصل بو « سفیل آناسنک لاقل بش سنه لک
عمرینی بکرمش ، کنجلیکی بترمشدر . »

فرنک قادینلری حقنه کی بو تنقیدات له الحمد
خانلرمز حقنه وارد اولدیفندن شو مقدس وطنه
قارشى انلرکده ایفاسیله مکلف اولدقلری خدمات مبارک
که کی جسارت وتحمل ایله ایفا ایده رک ترقی وتعالی وطنه
مشترکاً خدمت ایتلرینی طلب ورجا ایلرز .

نفوسک ترقیسنه ، تکثرتیه بادی اولان اسباب
سائره بی ده خلاصه ذکر واتیان ایدلم : اولان طبابتک
ترقیسی بالواسطه نفوسک ترقیسنه خدمت ایله مکدر .
چونکه مقدما تداویلری ممکن اولیان برطاقم امراض ،
علی الخصوص چوجقلرده کثرت وفیاتی انتاج ایدن برچوجق
خسته لقلر ارباب فنک مساعی مشکورلری سایه سنده
تداوی ایدلمکده وبوصورتله برچوجق وفیاتک اوکی آلمسنه
سبب ظاهری اولمقده در . شبهه یوقدرکه چیچک آتیشنی

کشف ایدن (زهر) دن قوش پالازی مقربی وسرومنی
بولان دوکتور (رو) په قدر برچوجق طبابتک مساعیسی
تکثیر نفوسه - لسان شرعه اسباب عادی دن معدود
اولدیفنی وجهله - خادم اولمشدر . ثانیاً قواعد صحیه نک
نشر وتعمیمی دخی برطاقم امراض مهلکه سرایتک
- اذن باری ایله - اوکنی آلمش اولدیفندن وفیات بو
صورتله صوک زمانلرده آزالمشدر . وبانک بوندن بر
ایکی یوز سنه اول اجرا ایتدیکی تخریبات ایله ، اهلاک
ایتدیکی نفوس بشر بوکونکی حاله قابل قیاسمیلدر ؟

ثالثاً خدمت عسکریه مدتنک تنقیصی . چونکه
هرکس وظیفه عسکریه سنی ایفا ایتدکن صکره دیگر
وظیفه سنه یعنی چوجق یتشیدیرمک وقت بوله بیلیمک
ایچون عسکردن قوای حیاتییهسی یرنده ، وجودی زنده
برسنده چیقمایلدر .
رابعاً تکالیفک معتدل اولمسی . بوده تکثیر نفوسی
موجب اسباب میاننده صایلمغه لایقدر . ویرکو معتدل
اولورسه خلقتک رفاه وسعادت زیادیشیر . رفاه وسعادت
ایسه تشکیل عائله نک اکبرنجی سائقیدر . برچوجق کیمسه لر
قازاندقلری شی ایله آنجق بوغازلرینی طویوره بیلدکلری
جهتله برعائله تشکیکنه موفق اوله مازلر . بونلر براز فضل
قازانسولر حیثیترینه بشقه لری ده تشریک ، حضور
وسعادت عائله دن استفاده یه هان شتاب ایدرلر ، اولاد
یتشیدرلر . اناطولینک ایجریلردن استانبوله کلش نه قدر
رنجیر ، جمال ، بکچی ، آشچی ، آیواز ، اوشاق وارددرکه
سکیز اون سنه چالیشهرق قازاندینی باره ایله صله یه
کیدنجه بشیکده برافدقلری چوجقلرینی عادتاً دلیقسانلی
کوررلر . اکر بونلر بار تکالیف آلتنده ، ظلم استبداد
ایله مملکتلرنده ازیلوب بورالر قاچه جقلرینه عائله لری
یانلرنده قالسلرلر کویلر بویه تنها قالماز ، ارباب زراعت
ایشی تدارکندن عاجز بولمنازادی ، نفوس مملکتده
بالطبع ده زیاده تراید وکثیر ایدردی .

خامساً حسن اخلاق وسی واقدامده نفوسک ترایدینه

اك زياده اجراى تأثير ايدن اسبابندرد . چونكه حسن اخلاق مثلاً داء الكحول كې هادم انسانيت، قمار كې مغل ناموس وحيثيت، زنا كې مغاير عقل و حكمت شيلرى منع اينديكندن انسان قواى حيايه سته، شرف وحيثيته مرتبه انسانيه سته مالك وصاحب اولور، برعائله تأسيس ايدر، چو چق يتشديرر، سى واقدام ايسه وسعت معيشتى موجب، اسباب رفاه وسعادتي تأمينه كافل وضامنرد .
بناء عليه اسلاميتك، عثمانليغك ترقى و تعاليسى ايچون نفوس ستمزى تكثير و تزويده غير ايتملى و بيان ايديلان قاطى اصلا نظر دقتدن دور طوتمامليدر .
عنى زاده حسن تحسین

هند مسلمانلری

مملكتتمزده حریت وقانون اساسينك اعلانی استبشار اولنسی اوزرینه هندستانده بولسان متعدد جمعيات اسلاميه رؤسای رنگون بلده سته دعوت اولنه رق و یقتوریا مطبعه سنده غایت مظنن و رسمی بر اجتماع عمومی عقد و لنش و بتون اسواق مکمل دوناتیلوب بلده نك باب کیری طاقه ده عربی، فارسی، انگلیز، اوردو، بنغال و کجرات و تمل لسانلری ایله (قانون اساسی یی حایه ایلیرك یاشاسون امیر المؤمنین) عباره سی یازمش و بوسورتله اعلان شادمانی ایدلمش اولدینی مصرده منتشر (المؤید) غزه سنده اوقوتمشدر.

فاس مسلمانلری

مولی عبدالعزیز فاسی ترکه ممالك شرقیه ده اجراى سیاحته قرار ویرمشدر .

مولی حفیظ، بیاناننده اهلینك كندی تماماً ارزو ایلدکری و برادريله کندیسی ارسنده کی مقاله ده اهلینك كندیته معاوتی بونی تماماً تأیید ایلدیکی و اجانب، مداخله لرینه نهایت ویرلرسه فاس اساسی و سکونی تماماً اعاده اولنه جقنی و مملکتده محافظه انتظام خصوصنده کی اهتمامه اروپانك شك و شبهه ده بولنسنه لزوم اولمديقنی و معاهدات سابقه ره رعایت ایلجه جکني و اگر سابق الجزیره قونفرانسنه اشتراك ایدن دولتلر یکیدن بر قونفرانس عقدینه لزوم کوررلرسه قبول ایده جکني و فاسك ترقی و تعاليسى اروپانك معاوتنه محتاج اولدینی ذکر ایلمشدر .

زبدۀ سیاسیه

برهفته دن بری سیاسیات عالم، سیاسیونمزی جداً مشغول ایده جک، وطنك سعادت و سلامتی، ملت عثمانیه نك استقبالی درین درین دوشوندیره جک مهم صفحه لر کوسترمشدر . برلین معاهده سنك ایکی وقعه ایله خللدار ایدلمسی، بلغارستانك استقلالنی و آوستریانك بوسنه و هر سیک قطعه سنك الحاقی اعلان ایللمسی، طوغری بدن طوغری به حکومت عثمانیه نك حقوق و منافعه تعلق ایدن وعین زمانده برلین معاهده سنی امضا ایتمش اولان دولتلر كده حقوقه تجاویزی و حتی صلح و مسالمت عمومیه به قارشو تهلكی متضمن اوله جق صورتده بویه ایکی وقعه احداث اولنسی اوزرینه دولت عثمانیه حقوق و منافعی محافظه و صیانت ایچون عزم و رزمه قرار ویرمکه برابر اول امرده برلین معاهده سنی امضا ایتمش اولان حکومتلر تزدنده تشبیهانده بولنش ایکی حادثه یی پروتستو ایتمش و بر قونفرانس عقدینی ده تکلیف ایللمش ایدی .

قونفرانسك مذاکراتی تعیین و تحدید ایتكده

ایجاب ایدور، چونكه برلین معاهده سنك مصونیتی بو معاهده یی باشند آشانی خللدار عدایده رك بوخصوصده مذاکراتی تمیم و برطاقم آمال و منافع مخصوصه نك میدان آلمسنه سبب اولمق صلح و مسالمت عمومیه یی محافظه قیدیه واقع اوله جق بر تشبیه، بوششدن مقصود اولان فائده به مخالف دوشه جکی دوشونلمش ایدی . شبهه یوق که قونفرانسده مذاکره اولنه جق موادی قرارلشدرمه دن، موضوع بحث اوله جق مسائلی تعیین و تحدید ایتدن قونفرانسه داخل اولمق دولت عثمانیه نك منافعه ده موافق کله مزدی .

قونفرانس عقدینی برلین معاهده سنی امضا ایتمش اولان حکومتلر ك قبول ایتسی ده بوخصوصده بین الدول بر ائتلافی استلزام ایدوردی . اروپاده الیوم ایکی مجمع سیاسی بولنوب بولردن برنی اتفاق مثك، دیگرینی ده انكتره، فرانسه و روسیه ائتلافی تشکیل ایلور .

بلغارستان، بوسنه و هر سیک وقعه لرنده دولت عثمانیه نك حقوق صریحه سنی تسلیم ایله برلین معاهده سنك بر حرفی بیله موافقت دولیه انضمام ایتدکجه تبدیل و تغییر ایتمه مك اساسی باش وکیل موسیو آسکیت و خارجییه ناظری سیر ادوارد غریه ك لسانندن اعلان ایدن انكتره حکومتی اولمش ایدی . فرانسه ده انكتره نك نقطه نظری قبول و تصویب ایلدی . فقط بوجه تله روسیه حکومتكده سوق و اماله سی ایجاب ایلوردی . روسیه خارجییه ناظری موسیو ایزوولسکی اروپا سیاحتنده المانیا، اوستریا، ایتالیا، فرانسه خارجییه ناظرلریله کورشدکدن صکره لوندریه مواصلت ایتمش ایدی . اروپا قاینه لرینك افکارینه واقف اولدقدن صکره لوندرده انكتره خارجییه ناظرله قارشو قارشویه کلمش اولان موسیو ایزوولسکی نك روسیه نك فکر واملنی منفعتی انكتره نك فکر واملیه نصل توحید ایده جکی بتون اروپا سیاسیونك انظار دقتی جالب اولمش ایدی .

انكتره واقعا حکومت مشروطه عثمانیه به قارشو آثار دوستی اظهار ایتش ايسه ده انكتره بودوستلنی روسیه ایله اولان دوستلیقه تألیف ایتك مجبوریتنده بولنوردی . اروپا غزته لرندن برینك دیدیکی کبی انكتره دولت عثمانیه به قارشو تمایلاتیه روسیه حقنده کی تمایلاتی تألیف ایده مزسه مشكل بر موقعه قاله جق ایدی . ایکی خارجییه ناظری آره سنده لوندرده جریان ایدن مذاکراتده بزم ایچونده بك مهم بولنیدینی ا کلاشیلوردی .

نهایت ایکی ناظر آره سنده ائتلاف حصوله کلدیکی اعلان اولندی . قونفرانسك تصویب ایلدیکی وقونفرانس ایچون بر پروگرام چیزلدیکی سولندی . انكتره خارجییه نظارتی طرفندن نشر اولنان بر تبلیغ رسمی بوائتلافك شكل و صورتی وقونفرانس حقنده ترتیب اولنان پروگرامك محتویاتی کوستردی . دولت عثمانیه نك حقوق و منافعی محافظه اولنه جقنه دائر درج اولنش اولان قیود بلغارستان استقلالنك و بوسنه و هر سیک الحاقنك تصدیقندن صکره بوخصوصده دولت عثمانیه به منافع متقابله تأمین اساسنه استناد ایتدیرلش و فقط برطاقم شرائطه تابع ایدلمش اولوب بناء علیه بزم ایچون « امر واقع » حقنده سکوت و تأنی توصیه سندن بشقه برمعانی محتوی اولیوب - معاندن زیاده الفاظه اهمیت ویرلک قیلندن - انجق کلمات تطبییه ایله بزمشدر . حقوق و منافع حقیقه و صر - یحه من موضوع بحث ایدلمش اولیوب انجق برلین معاهده - سنك - عثمانلیرده اصول مشروطیتك تأسیسی و عمومیتله تنسیقات و اصلاحاتك تطبیق - حکمدن اسقاط ایدیلجه جک اولان و حتی اوتوز سنه دن بری دور استبداده بیله اصلا موضوع بحث ایدلمش بولنان موادك ینه برطاقم قیود احترازیه التنده اوله رق تعدیلی بزم ایچون بر منفعت غیر مترقبه صورتنده کوسترلشدرکه بونك حکم واهمیتی اکلامق اوزره تعمیق فکره بیله لزوم یوقدر . عهد قدیمه نك الغاسی واجبی پوسته خانه لرینك رفی ایچون

قونفرانس پروغرامنده بزه امید ویریلیور که حکومت مشروطه عثمانیه نك تأیید سطوت و مکتبی ایله بو نتیجه به طبیعی بر صورتده واصل اوله بیله جگمزی ا کلامق ایچون ده اوزون اوزادی به دوشونمکه احتیاج کور بیله مز.

قونفرانسده بوغازلر مسئله سنك ده تدقیق اولنه جنی رؤیت ایدلشیدی پروغرامدن بو مسئله نك خارج طوالتدینی سوبلیور ، فقط کرید مسئله سنك - درت دولت طرفندن بوبایدہ مذاکرات جریاننه تعلیق ایدلک شرطیله - بر صورت حل و تسویه بولنه بیله جکی آمیدی اظهار اولنیور.

والحاصل قونفرانسده موضوع بحث ایدلک اوزره وضع ایدیلمش اولان پروغرام دولت عثمانیه نك قونفرانس عقیدنی اورویاه تکلیف ایدلکی زمان پرورده ایتیش اولدینی اصل مسالمت پروری و حق شناسی به مطابق کورنیمور . بو حالده قایینه مزه توجه ایدن وظیفه مهمه بو پروغرامه قارشو ابتدا و طنك سعادت و سلامتی ، ثانیاً اورویا احوال عمومی سیاسیة سنی دوشونمک بر تدبیر مصیب اتخاذ ایتک و قایینه رئیس - کورپریلیرک - مشکل زمانلرده وطنی قورناره حق و عثمانلیلرک شان و حیثیتی محافظه و اعلا ایدہ جک صورتده کوسترمش اولدقلری مهارت سیاسی ابراز ایلیمکدر . واقعا شو کونلرده موقع سیاسیمزک یک مهم اولدینی تسلیمده کیمسه تردد ایتیز . انحق قایینه نك عموم ایله برابر بو اهمیتی تقدیر ایدرک اکا کوره بر خط حرکت تعقیب ایایه جگمزی ده امید اولنیور ؛ چونکه بویله بر زمانده

ذره قدر بر مساحه نك بادی اوله جنی مشکلاتی درپیش ایتیمه جک صاحب حیت بر وطن پرور یوقدر .

قونفرانسک قبول و تصویب ایدلدیکنی ، بوراده مذاکراتک نه زمینده جریان ایدہ جکنه دائر باب عالی به تبلیغات واقع اولمشدر . بوهفته ایچنده مسائل متعده یکی بر صفحه به کیره جکدر . برقچ کون انتظار ایدہ لم .

— — — — —

تشکر

مصبح کبی افق معرفتک صباح صادق اولان جریده محترمه نك بر صحیفه منوره سننده بیان الحق ایله هیئت تحریریه سننه ابذل بیوریلان توجهات محاسنیا هر وجه ایله لیاقتمزک مرتبه بالاترینده اولمقله برابر بوتون ستایشلرک فوئده اولان بو آثار تجیلات ، بیان الحقک درعهده ایتدیک وظیفه ک موضوعنده کی عظمته عائد اولدیفندن بوخصوصی ، اک بیوک واک صاف برحسن دیانت و کمال مفخرتله بعدالقبول ، حقمزده کی آثار توجهاته بالخاصه عرض شکران بی پایان ایدر و مصباح کبی ، صراط مستقیم کبی رفقای خصوصیه مزک الی ماشاء الله دواملرینی تمی و بزری تبریکه شتابان اولان سائر رفقای کرامتزه عرض تشکرات ایدرز .

فطین

محمود یک مطبعه سی